



O‘ZBEKISTON RESPUBLIKASI SAMARQAND VILOYATI TOYLOQ TUMANI HOKIMINING QARORI

Toyloq sh., A.Temur ko‘chasi, 22-uy.

2022 - yil 19 - noyabr

352-7-104-Q/22

Toyloq tuman hokimligi

Tuman iqtisodiyoti tarmoqlarini 2022/2023-yillar kuz-qish davrida barqaror ishlashga kompleks tayyorlashni ta’minlash chora-tadbirlari to‘g‘risida

Tumanda iqtisodiyot tarmoqlari, ijtimoiy soha obyektlari va ko‘p kvartirali uy-joy fondini 2022/2023-yillar kuz-qish davrida barqaror ishlashga tayyorlash maqsadida

QAROR QILAMAN:

1. Samarqand viloyati hokimining 2022-yil 11-oktabrdagi 393-7-0-Q/22-sonli “O‘zbekiston Respublikasi Vazirlar Mahkamasining 2022-yil 23-sentabrdagi “Iqtisodiyoti tarmoqlari, ijtimoiy soha obyektlari va ko‘p kvartirali turar joy fondini 2022/2023-yillar kuz-qish davrida barqaror ishlashga kompleks tayyorlashni ta’minlash chora-tadbirlari to‘g‘risida”gi 522-sonli qarori ijrosini ta’minlash haqida”gi qarori rahbarlik va ijro uchun qabul qilinsin.

2. Tuman sektor rahbarlari, tuman hokimining o‘rinbosarlari (J.Xujamurodov, F.Najmiddinov, J.Haqberdiyev, N.Qambariddinova) zimmasiga iqtisodiyot tarmoqlari, ijtimoiy soha obyektlari va ko‘p kvartirali turar joy fondini 2022/2023-yillar kuz-qish davrida barqaror ishlashga tayyorlash bo‘yicha chora-tadbirlarning o‘z vaqtida va sifatli bajarilishini ta’minlash yuzasidan shaxsiy mas’uliyat yuklansin.

3. Tuman hokimining o‘rinbosarlari (J.Xujamurodov, F.Najmiddinov, J.Haqberdiyev, N.Mirzayev), sektor rahbarlari, tegishli korxona va tashkilotlar rahbarlari bilan birgalikda kuz-qish mavsumiga tayyorgarlik ishlarini quyidagilardan boshlasin:

tuman aholisini ijtimoiy jihatdan qo‘llab-quvvatlash uchun tuman markazi va dehqon bozorlarida oziq-ovqat yarmarkalarini tashkil etish;

“Temir daftar”ga kiritilgan oilalarga ko‘mir, suyultirilgan gazni o‘z vaqtida

yetkazib berish va bolalarni issiq kiyim-kechak bilan ta'minlash;

olis va borish qiyin bo'lgan hududlarda ko'mir va suyultirilgan gaz hamda 15-20 kunga yetadigan asosiy turdagi oziq-ovqat mahsulotlari zahirasini yaratish.

4. Tuman iqtisodiyoti tarmoqlari, ijtimoiy soha obyektlari va ko'p kvartirali turar joy fondini 2022/2023-yillar kuz-qish davrida barqaror ishlashga tayyorlash bo'yicha kompleks chora-tadbirlar 1-ilovaga muvofiq;

tuman iqtisodiyoti tarmoqlari va ijtimoiy soha obyektlari va ko'p kvartirali turar joy fondini 2022/2023-yillar kuz-qish davrida barqaror ishlashga tayyorlashni muvofiqlashtirish bo'yicha tuman komissiyasi 2-ilovaga muvofiq tasdiqlansin.

5. Qo'yidagilar tuman komissiyasining asosiy vazifalari etib belgilansin:

bir hafta muddatda tegishli tuman tashkilotlari va korxonalar rahbarlaridan iborat tuman ishchi guruhini tashkil etib, ular tomonidan amalga oshiriladigan ishlarni mahallalar kesimida belgilab berish;

har bir mahallalardan aholining murojaatlarini qabul qilish va ularni tezkor ko'rib chiqilishini ta'minlash bo'yicha har bir soha idoralarida tunu-kun ishlaydigan aloqa tizimini ishga tushirish;

har bir mahallada xalq bilan muloqot tarzida o'tkaziladigan uchrashuvlarda mazkur qaror bilan kuz-qish mavsumiga tayyorgarlik ko'rish va uni talofatsiz o'tkazish bo'yicha belgilab berilgan parametrlarning bajarilishi yuzasidan aholiga hisobot berib borish tizimini yo'lga qo'yish;

tumanda kuz-qish mavsumiga tayyorgarlik ko'rish va uni betalofat o'tkazish bo'yicha olib borilayotgan ishlar yuzasidan viloyat shtabiga kunlik ma'lumot taqdim etib borish.

6. Tuman Xalq ta'limi bo'limi (M.Xidirov), tuman Maktabgacha ta'lim bo'limi (A.Mirzayev), tuman Tibbiyot birlashmasi (Sh.Jabborov), tuman Sport bo'limi (Sh.Qayumov), tuman Madaniyat bo'limi (B.Ziyodullayev) ijtimoiy soha obyektlarini, jumladan maktabgacha ta'lim, xalq ta'limi, sog'liqni saqlash muassasalari, madaniyat va sport obyektlarini kuz-qish mavsumidan betalofat o'tkazish yuzasidan manzilli tadbirlarni belgilasin va ularning amalga oshirilishini ta'minlasin;

7. Tuman hokimining birinchi o'rinbosari (J.Xujamurodov), tuman Moliya bo'limi (A.Sharipov) muhandislik-kommunikatsiya obyektlari va texnologik uskunalarni mavsumga tayyorlash hamda ijtimoiy soha obyektlarini kuz-qish davridan betalofat o'tkazish bilan bog'liq chora-tadbirlarni moliyalashtirish uchun joriy yilda mahalliy budjetning qo'shimcha manbaalari hisobidan kerakli miqdorda mablag' ajratish choralarini ko'rsin.

8. Tuman hokimining o‘rinbosari (F.Najmiddinov), “Hududgaz Samarqand” gaz ta’minoti filiali Toyloq GTB (B.Sharopov), tuman Elektr ta’minoti korxonasi (A.Siddiqov), tuman Iqtisodiy taraqqiyot va kambag‘allikni qisqartirish bo‘limi (A.Marupov) bilan birgalikda aholiga, ijtimoiy soha obyektlariga, boshqa toifadagi iste’molchilarga zarur miqdorlarda energetika resurslarini yetkazib berish bo‘yicha muntazam ravishda “mahallabay” tizimda o‘rganishlar olib borib, ajratilgan resurslarni yetkazib berish choralari ko‘rsin.

9. Tuman komissiyasi (F.Najmiddinov):

kuz-qish mavsumiga tayyorgarlik ko‘rish va uni talafotsiz o‘tkazish bo‘yicha olib borilayotgan ishlar yuzasidan Iqtisodiyot tarmoqlari, ijtimoiy soha obyektlari va ko‘p kvartirali uy-joy fondini 2022/2023-yillar kuz-qish davrida barqaror ishlashga tayyorlashni muvofiqlashtirish bo‘yicha viloyat komissiyasiga kunlik ma’lumot taqdim etib borsin;

kuz-qish mavsumiga tayyorgarlik ko‘rish va uni talafotsiz o‘tkazish yuzasidan xalq deputatlari tuman Kengashiga hisobot berib borilishini;

tuman sektor rahbarlari tomonidan kuz-qish mavsumiga tayyorgarlik ishlari bo‘yicha viloyat televideniya shoxida “Ochiq muloqot” hamda brifinglar o‘tkazib borilishini ta’minlasin.

10. Tuman hokimining o‘rinbosari (F.Najmiddinov), tuman Mahalla va nuroniylarni qo‘llab-quvvatlash bo‘limi (B.Xushnazarov), “Hududgaz Samarqand” gaz ta’minoti filiali Toyloq GTB (B.Sharopov), tuman Elektr ta’minoti korxonasi (A.Siddiqov)ga:

tumanda, ayniqsa olis va borish qiyin bo‘lgan hududida aholini suyultirilgan gaz va ko‘mir yoqilg‘isi bilan o‘z vaqtida ta’minlash;

hududdagi ijtimoiy soha obyektlari, ularga xizmat ko‘rsatuvchi qozonxonalar, suv inshootlari va nasos stansiyalarini uzluksiz elektr energiyasi va tabiiy gaz bilan ta’minlash;

transformator stansiyalarini ta’minlash, ularning barqaror ishlashini ta’minlash, aholiga zarur miqdorlarda tabiiy va suyultirilgan gaz yetkazib berish hamda joylarda ko‘mir mahsulotlarining g‘amlanishi bilan bog‘liq muammolarni o‘z vaqtida hal etish uchun tuman hududida muntazam ravishda aholi bilan uchrashuvlar o‘tkazib borish choralari ko‘rsin.

11. Tuman hokimligi Axborot xizmati (N.Raxmatova), “Qo‘shchinar” gazetasi (M.Yuldosheva)ga kuz-qish mavsumiga tayyorgarlik ko‘rish va uni talafotsiz o‘tkazish yuzasidan amalga oshirilayotgan ishlarni tuman hokimligining rasmiy veb-sayti va gazeta sahifalarida keng yoritib borish tavsiya etilsin.

12. Mazkur qarorning ijrosini nazorat qilish tuman hokimining o‘rinbosari F.Najmiddinov zimmasiga yuklatilsin.

13. Mazkur qaror rasmiy e’lon qilingan kundan boshlab kuchga kiradi.

Tuman hokimi



B.Babonazarov

Toyloq tuman hokimining
2022 yil 19 noyabrdagi
352-7-104-Q/22-son qaroriga
1-ilova

Tuman iqtisodiyoti tarmoqlari, ijtimoiy soha obyektlari va ko'p kvartirali turar joy fondini 2022/2023-yillar kuz-qish davrida barqaror ishlashga tayyorlash bo'yicha kompleks

CHORA-TADBIRLARI

№	Chorataadbirlarnomi	Bajarish muddati	Mas'ul ijrochilar
I.Tashkiliy chora-tadbirlar			
1.	2022/2023-yillar kuz-qish mavsumiga tayyorgarlik bo'yicha hududlarni "qizil", "sariq" va "yashil" hududlarga ajratish. Bunda aholi punktlarin "qizil" hududga kiritishda elektr energiyasi va tabiiy gaz ta'minotidagi muammolar mavjud uy-joy mulkdorlari shirkatlarning moddiy-texnika bazasi va moliyaviy holati "og'ir" Xalq qabulxonalariga kommunal xizmatlar yuzasidan ko'p murojaatlar kelib tushgan, shuningdek, olis va borish qiyin bo'lgan hududlarni nazarda tutish.	Bir hafta muddatda	Tuman Uy-joy kommunal xizmat ko'rsatish bo'limi (S.Xoliqulov), "Samarqand suv ta'minoti" MCHJ tuman filiali (I.Yusupov), "Hududgaz Samarqand" filiali Toyloq GTB (B.Sharopov), Toyloq tuman elektr ta'minoti korxonasi (A.Siddiqov)
2.	Tuman aholi yashash punktlarida: ishlab chiqarish, xizmat ko'rsatish, shu jumladan kommunal xizmat ko'rsatish tashkilotlari hamda ijtimoiy soha obyektlarining issiqlik ta'minoti qozonxonalari, muhandislik-kommunikasiya obyektlari va jihozlarini ta'mirlash bo'yicha; aholiga suyultirilgan gazni (ovqat pishirish uchun) uzluksiz yetkazib berish, ularni ko'mir va ko'mir briketlari bilan ta'minlash bo'yicha mas'ul ijrochilar va bajarish muddatlarini aniq belgilagan holda zarur chora-tadbirlar kurish.	Uch kun	Tuman hokimining o'rinbosari (F.Najmiddinov), tuman Mahalla va nuroniylarni qo'llab-quvvatlash bo'limi (B.Xushnazarov), tuman Uy-joy kommunal xizmat ko'rsatish bo'limi (S.Xoliqulov), "Samarqand suv ta'minoti" MCHJ tuman filiali (I.Yusupov), "Hududgaz Samarqand" filiali Toyloq GTB (B.Sharopov), Toyloq tuman elektr ta'minoti korxonasi (A.Siddiqov)
3.	Iqtisodiyot tarmoqlarini 2022/2023-yillar kuz-qish mavsumiga tayyorlash bilan bog'liq bo'lgan suyultirilgan gaz va ko'mir yetkazib berish bo'yicha zaruriy choralarni ko'rish.	2022-yil oktabr va mavsum davomida	Tuman hokimining o'rinbosari (F.Najmiddinov), "Hududgaz Samarqand" filiali Toyloq GTB (B.Sharopov)
4.	Maishiy gazdan foydalanish bilan bog'liq bo'lgan favqulodda hodisalarning oldini olish bo'yicha kompleks chora-tadbirlar ishlab chiqish va uni amalga oshirish.	2022-yil oktabr va mavsum davomida	Tuman hokimining o'rinbosari (F.Najmiddinov), tuman Favqulodda vaziyatlar bo'limi (A.Ochilov), "Hududgaz Samarqand" filiali Toyloq GTB (B.Sharopov)
5.	Ishlab chiqarish va yetkazib berish balansini hisobga olgan holda, 2022-yil oktabr oyidan 2023-yil aprel oyiga qadar bo'lgan davr mobaynida ulgurji iste'molchilar va aholiga tabiiy gaz yetkazib berish bo'yicha kelishilgan oylik jadval ishlab chiqish va amalga oshirish.	2022-yil oktabr	Tuman hokimining o'rinbosari (F.Najmiddinov), "Hududgaz Samarqand" filiali Toyloq GTB (B.Sharopov)
II.Yoqilg'i-energetika majmuasini barqaror ishlashga tayyorlash bo'yicha chora-tadbirlar			

6.	Asosiy muhandislik-kommunikatsiya tarmoqlari hamda texnologik uskunalarni kapital va joriy ta'mirlash, jumladan: "Hududgaz Samarqand" filiali Toyloq GTB ning 2 km gaz tarmog'ini mukammal ta'mirlash, 1 ta gaz taqsimlash punktini kapital ta'mirlash, 36 km gaz quvurlarini bosim ostida sinash va tozalash, 16 km yer osti quvurlarini maxsus priborlar yordamida tekshirish, 6 km gaz quvurlarini buyash hamda 195 ta gaz taqsimlash punktini taftishdan o'tkazish; Toyloq tumani elektr ta'minoti korxonasining 132,2 km past kuchlanishli elektr tarmoqlari va 44 ta transformator punktini mukammal hamda 259,1 km past kuchlanishli elektr tarmoqlari va 69 ta transformator punktini joriy ta'mirlash.	2022-yil 1-noyabrga qadar	Tuman hokimining o'rinbosari (F.Najmiddinov), "Hududgaz Samarqand" filiali Toyloq GTB (B.Sharopov), Toyloq tuman elektr ta'minoti korxonasi (A.Siddiqov)
7.	Kuz-qish davrida qozonxonalarning uzluksiz va barqaror ishlashini ta'minlash maqsadida soha tashkilotlari tomonidan zarur suyuq va qattiq yoqilg'i zaxirasini yaratish.	2022-yil 1-noyabrga qadar	Tuman hokimining o'rinbosari (F.Najmiddinov), "Hududgaz Samarqand" filiali Toyloq GTB (B.Sharopov)
8.	Aholi, ijtimoiy soha obyektlari va iqtisodiyot tarmoqlarining ko'mirga bo'lgan talabini to'liq qanoatlantirish. Jumladan: -Aholiga 10 000 tonna ko'mir jamg'arish; -ijtimoiy soha obyektlariga- 2627 tonna ko'mir yetkazib berilishini tashkil qilish.	2022/2023-yillar kuz-qish mavsumida	Tuman hokimining o'rinbosarlari (F.Najmiddinov, J.Haqberdiyev), tuman Mahalla va nuroniylarni qo'llab-quvvatlash bo'limi (B.Xushnazarov)
9.	Tuman hokimligida shakllantirilgan ro'yxat asosida kuz-qish davrida tabiiy gaz ta'minotining tanqisligi kutilayotgan aholi punktlariga tasdiqlangan oylik jadvalga asosan kuz-qish mavsumida 2710 tonna , jumladan joriy yil oktabr-dekabr oylarida 1378 tonna suyuqtirilgan gazni kafolatlangan tarzda yetkazib berish.	2022-yil oktabr oyidan 2023-yil 1-aprelga qadar	Tuman hokimining o'rinbosari (F.Najmiddinov), "Hududgaz Samarqand" filiali Toyloq GTB (B.Sharopov)
10.	Olis va borish qiyin bo'lgan hududlarda hamda sel kelishi oqibatida yo'llar talofat ko'rishi ehtimoli mavjud qishloqlarda kuz-qish mavsumi uchun zarur miqdorda yoqilg'i energetika resurslarini zaxirasini yaratish.	2023-yil 1-yanvar	Tuman hokimining o'rinbosari (F.Najmiddinov), "Hududgaz Samarqand" filiali Toyloq GTB (B.Sharopov)
III. Ko'p kvartirali turar joy fondini tayyorlash bo'yicha chora-tadbirlar			
11.	Tumandagi ko'p kvartirali uy-joy fondini ta'minlash ishlari bo'yicha haqiqiy ehtiyojini hisobga olgan holda joriy yilda moliyaviy ahvoli barqaror bo'lgan ko'p kvartirali uylarni boshqaruvchi tashkilotlar va uy-joy mulkdorlari shirkatlarini qo'llab-quvvatlash uchun tegishli manbaalardan talab etiladigan mablag'larning aniq miqdorini belgilash.	Zaruratga ko'ra	Tuman hokimining o'rinbosarlari (J.Xujamurodov, F.Najmiddinov), tuman Moliya bo'limi (A.Sharipov), tuman Uy-joy kommunal xizmat ko'rsatish bo'limi (S.Xoliqulov), "Yangi Toyloq boshqaruv servis" boshqaruv kompaniyasi (A.Qodirov)
12.	Ko'p kvartirali uylar, bino va inshootlarning yong'inga qarshi xavfsizlik texnik me'yorlariga mosligi holatini tekshirib, ko'p kvartirali uylardagi dudbo'ronlarni va ventilyasiya tizimlarini ta'mirlash , izolyatsiya qilish va tozalash ishlarini amalga oshirish.	Ikki kun	Tuman hokimining o'rinbosari (F.Najmiddinov), tuman Uy-joy kommunal xizmat ko'rsatish bo'limi (S.Xoliqulov), "Toyloqtumangaz" bo'limi (B.Sharopov)
13.	Markazlashtirilgan issiqlik ta'minoti tizimiga ulangan ko'p kvartirali uylarni xatlovdan o'tkazish va mavsumda ushbu uylarni isitish bo'yicha aniq chora-tadbirlarni ishlab chiqish va amalga oshirish.	2022-yil 1-noyabr	Tuman hokimining o'rinbosari (F.Najmiddinov), tuman Uy-joy kommunal xizmat ko'rsatish bo'limi (S.Xoliqulov),

14.	Iste'molchilarni ishonchli va xavfsiz elektr energiyasi bilan ta'minlash maqsadida ko'p kvartirali uylarda elektr energiyasidan xavfsiz foydalanish qoidalariga rioya etilishi holatini o'rganish va mavjud kamchiliklarni bartaraf etish choralari ko'rish.	Ikki kun	Tuman hokimining o'rinbosari (F.Najmiddinov), Toyloq tumani elektr ta'minoti korxonasi (A.Siddiqov), tuman Uy-joy kommunal xizmatko'rsatish bo'limi (S.Xoliqulov)
IV. Ichimlik suvi ta'minoti obyektlarini tayyorlash bo'yicha chora-tadbirlar			
15.	Suv ta'minoti korxonalarining 0,5 km suv tarmog'ini va 3 ta nasos uskunalari mukammal va 2,0 km suv tarmog'i va 11 ta nasos uskunalarini joriy ta'mirlash.	2022-yil 1-noyabrga qadar	Tuman hokimining o'rinbosari (F.Najmiddinov), "Samarqand suv ta'minoti" MCHJ tuman filiali (I.Yusupov)
V. Ijtimoiy soha obyektlarini barqaror ishlashga tayyorlash bo'yicha chora-tadbirlar			
16.	Ijtimoiy soha obyektlarini kuz-qish mavsumiga tayyorlash bo'yicha kompleks tadbirlarni amalga oshirish. Jumladan: 16 ta umumta'lim maktablari va 7 ta maktabgacha ta'lim tashkilotini joriy ta'mirlash; Shuningdek, sog'liqni saqlash, kasb-hunar maktablari hamda boshqa muassasalarda, kuz-qish mavsumiga tayyorgarlik yuzasidan barcha zarur choralarni ko'rish.	2022-yil oktabr	Tuman hokimining o'rinbosarlari (F.Najmiddinov, J.Haqberdiyev), tuman Xalq ta'lim bo'limi (M.Xidirov), tuman Maktabgacha ta'lim bo'limi (A.Mirzayev), tuman Tibbiyot birlashmasi (Sh.Jabborov), tuman Sport bo'limi (Sh.Qayumov), Madaniyat bo'limi (B.Ziyodullayev)
17.	Budjet tashkilotlarining ko'mirda ishlaydigan qozonxona va isitish tizimlarining kuz-qish mavsumiga tayyorgarlik holatini o'rganib , mavjud kamchiliklarni bartaraf etish choralarni ishlarini amalga oshirish.	2022-yil oktabr	Tuman hokimining o'rinbosarlari (F.Najmiddinov, J.Haqberdiyev), tuman Xalq ta'lim bo'limi (M.Xidirov), tuman Maktabgacha ta'lim bo'limi (A.Mirzayev), tuman Tibbiyot birlashmasi (Sh.Jabborov), Sport bo'limi (Sh.Qayumov), Madaniyat bo'limi (B.Ziyodullayev)
VI. 2022/2023 yillar qish-bahor mavsumi uchun asosiy turdagi qishloq xo'jaligi mahsulotlarini g'amlash bo'yicha chora-tadbirlar			
18.	Moliyaviy ahvoli barqaror bo'lgan qishloq xo'jaligi mahsulotlari ishlab chiqaruvchi korxonalarni qo'llab-quvvatlash maqsadida ularga bank kreditlari o'z vaqtida ajratilishini va ularning maqsadli ishlatilishini ta'minlash.	doimiy ravishda	Tuman hokimining birinchi o'rinbosari (J.Xujamurodov), ATB "Agrobank" tuman bo'limi (M.Sayfiddinova), AT Xalq banki tuman filiali (B.Berdimurodov)
19.	Muhtoj oilalarni kuz-qish mavsumi uchun zarur oziq-ovqat va dori vositalari zaxiralari bilan ta'minlash.	2022-yil oktabr	Tuman hokimining o'rinbosari (J.Xujamurodov) tuman Tibbiyot birlashmasi Bosh vrachi (Sh.Jabborov)
VII. Chora-tadbirlar bajarilishini nazorat qilish			
20.	Komissiya tomonidan 2022/2023-yillar kuz-qish mavsumiga tayyorgarlik ko'rish bo'yicha amalga oshirilayotgan ishlarning holati yuzasidan tahliliy ma'lumotlarni viloyat shtabiga taqdim etib borish.	har hafta yakuni bilan	Tuman hokimining o'rinbosari (F.Najmiddinov), tuman Uy-joy kommunal xizmat ko'rsatish bo'limi (S.Xoliqulov)
21.	Tuman iqtisodiyoti tarmoqlari va ijtimoiy sohani kuz-qish davrida barqaror ishlashga tayyorlash borasida amalga oshirilayotgan ishlarning holati va natijalarini, jumladan: aholini suyultirilgan gaz va ko'mir bilan ta'minlash masalalarini; mavsumga tayyorgarlik ko'rish hamda uni o'tkazishda kamchiliklarga yo'l qo'ygan tashkilotlar va ularning mansabdor shaxslari faoliyatini ommaviy axborot vositalarida keng yoritib borilishini ta'minlash.	doimiy ravishda	Tuman hokimligi axborot xizmati (N.Raxmatova), "Qo'shchinor" gazetasi (M.Yuldosheva)

Toyloq tuman hokimining
2022 yil 19 noyabrdagi
352-7-104-Q/22-son qaroriga
2-ilova

Tumanda iqtisodiyot tarmoqlari, ijtimoiy soha obyektlari va ko'p kvartirali turar joy fondini 2022/2023-yillar kuz-qish davrida barqaror ishlashga tayyorlashni muvofiqlashtirish bo'yicha tuman komissiyasi

T A R K I B I

<i>№</i>	<i>Ismi va Familiyasi</i>	<i>Lavozimi</i>
1.	F.Najmiddinov	tuman hokimining o'rinbosari, <i>komissiya raisi</i>
2.	J.Haqberdiyev	tuman hokimining o'rinbosari, <i>komissiya raisi o'rinbosari</i>
3.	A.Marupov	tuman iqtisodiy taraqqiyot va kambag'allikni qisqartirish bo'limi boshlig'i o'rinbosari, <i>komissiya raisi o'rinbosari</i>
4.	S.Xoliqulov	Tuman uy-joy kommunal xizmat ko'rsatish bo'limi boshlig'i v.b, <i>komissiya kotibi</i>
5.	B.Xushnazarov	tuman Mahalla va nuroniylarni qo'llab-quvvatlash bo'limi boshlig'i
6.	M.Xidirov	tuman Xalq ta'limi bo'limi mudiri
7.	A.Sharipov	tuman hokimligi Moliya bo'limi mudiri
8.	Sh.Jabborov	tuman markaziy shifoxonasi bosh vrachi
9.	A.Mirzayev	tuman Maktabgacha ta'lim bo'limi boshlig'i
10.	J.Norov	tuman Ekologiya va atrof-muhitni muhofaza qilish bo'limi boshlig'i
11.	A.Shodiyev	tuman DSEOM bosh vrachi
12.	A.Siddiqov	tuman Elektr ta'minoti korxonasi rahbari
13.	B.Sharopov	"Hududgaz Samarqand" filiali Toyloq GTB boshlig'i
14.	I.Yusupov	"Samarqand suv ta'minoti" MCHJ tuman filiali boshlig'i
15.	M.Sayfiddinova	ATB "Agrobank" tuman filiali boshlig'i
16.	A.Ochilov	tuman FVB boshlig'i
17.	S.Eraliyev	tuman Qurilish bo'limi boshlig'i
18.	B.Ziyodullayev	tuman Madaniyat bo'limi boshlig'i
19.	A.Qodirov	"Yangi Toyloq boshqaruv servis" boshqaruv kompaniyasi rahbari

Izoh: Komissiya tarkibiga joylardagi mahalla fuqarolar yig'inlari raislari ham kiradi. Komissiya a'zolari boshqa ishga o'tgan taqdirda uning o'rniga yangi tasdiqlangan xodim komissiya a'zosi hisoblanadi.